



Broj: 09-20-11-2-389

Dana: 23.03.2022 godine

Na osnovu člana 43., i 45., Zakona o unutrašnjim poslovima Federacije Bosne i Hercegovine („Sl. novine Federacije BiH“ broj: 81/14), člana 25., 69., i 70., Zakona o javnim nabavkama BiH („Službeni glasnik BiH“ broj:39/14) i preporuke Komisije za provođenje otvorenih postupaka nabavke u 2022. godini, zamjenik direktora Federalne uprave policije d o n o s i:

O D L U K U

o izboru najpovoljnijeg ponuđača za Javnu nabavku kancelarijskog potrošnog materijala

1. Dodjeljuje se ugovor ponuđaču „ELKOM „ d.o.o. Vitez za javnu nabavku kancelarijskog potrošnog materijala prema ponudi broj: 15-1/22 od 04.03.2022. godine i ukupnoj cijeni od 69.191,58 KM bez PDV- a.
2. Po okončanju roka za žalbu Ugovorni organ će pozvati izabranog ponuđača radi zaključenja Ugovora.
3. Izabrani ponuđač je dužan da u roku od pet dana od prijema ove Odluke dostavi dokumenta navedena u tački 12., odnosno 13., Tenderske dokumentacije, broj: 09-20-11-2-389.
4. Ova odluka objavit će se na web stranici Federalne uprave policije www.fup.gov.ba u skladu sa članom 70. stav (6) Zakona o javnim nabavkama („Službeni glasnik BiH“, broj:29/14) Bosne i Hercegovine.
5. Za izvršenje Odluke zadužuje se Sektor za materijalno-finansijske poslove.

O B R A Z L O Ž E N J E

Federalna uprava policije provela je otvoreni postupak javne nabavke kancelarijskog potrošnog materijala koji je pokrenut Odlukom o pokretanju postupka javne nabavke broj: 09-20-11-2-389 od 16.02.2022. godine prema Obavještenju o nabavci broj: 1412-1-1-27-3-38/22 objavljeno u „Službenom glasniku BiH“ broj: 12/22, dana 04.03.2022. godine. Komisija za provođenje otvorenih postupaka nabavki za 2022. godinu, imenovana Rješenjem zamjenika direktora Federalne uprave policije broj: 09-19/1-30-2-64 od 19.01.2022.godine je utvrdila da je do propisanog krajnjeg roka za dostavljanje ponuda prispjela samo jedna ponuda i to ponuđača „ELKOM“ d.o.o. Vitez što je konstatovano u Zapisniku sa otvaranja ponuda od 11.03.2022. godine.

Komisija je ugovornom organu, zamjeniku direktora Federalne uprave policije, dostavila Zapisnik o pregledu i ocjeni ponuda od 17.03.2022. godine u kojem je konstatovano da ponuđač „ELKOM“ d.o.o. Vitez ispunjava uslove tražene tenderskom dokumentacijom, kao i da je za navedenu nabavku pristigla jedna ponuda sa ukupnom cijenom u iznosu od 69.191, 58 KM bez PDV-a, a što prevazilazi procenjenju vrijednost nabavke u skladu sa Odlukom o pokretanju postupka broj: 09-20-11-2-389 od 16.02.2022. godine koja iznosi 59.829,06 KM bez PDV-a. Budući da se u konkretnom slučaju nabavke radi o ponudi dostavljenoj na ponovljeni postupak za nabavku kancelarijskog potrošnog materijala, koji je u tekućoj godini poništen Odlukom o poništenju postupka javne nabavke kancelarijskog potrošnog materijala broj: 09-20-11-2-3152 od 25.01.2022. godine, koja je donesena jer ponuda prevazilazi osigurana sredstva za nabavku, Komisija se u skladu sa članom 69. ZJN pismenim putem obratila Sektoru za materijalno-finansijske poslove sa upitom da li ugovorni organ može osigurati dodatna sredstva za realizaciju nabavke kancelarijskog potrošnog materijala prema ponudi pravnog lica „ELKOM“ d.o.o. Vitez u ukupnom iznosu od 69.191, 58 KM bez PDV-a.

Sektor za materijalno finansijske poslove Federalne uprave policije je aktom broj: 20/1-11-2-389 od 22.03.2022. godine je Komisiji dostavio izjašnjenje da mogu osigurati dodatna finansijska sredstva.


U vezi sa navedenim te imajući u vidu prethodno navedeno izjašnjenje Sektora za materijalno-finansijske poslove Federalne uprave policije, Komisija je konstatovala da je ponuda ponuđača „ELKOM“ d.o.o. Vitez za nabavku kancelarijskog potrošnog materijala sa ponuđenim iznosom od 69.191,58 KM bez PDV-a prihvatljiva te shodno članu 70., ZJN , predložila donošenje Odluke o izboru ponuđača za pravno lice „ELKOM“ d.o.o. Vitez.

Cijeneći prijedlog Komisije, zamjenik direktora Federalne uprave policije donosi Odluku kao u dispozitivu.

Pravna pouka: Protiv ove Odluke može se podnijeti žalba ugovornom organu, Federalnoj upravi policije u roku od 10 (deset) dana od dana prijema ove Odluke.

**ZAMJENIK DIREKTORA
GENERALNI INSPEKTOR POLICIJE**

Ensad Korman



Dostaviti:

- Sektor za mat. fin. poslove
- ponuđaču
- u spis